

左  
通  
補  
釋

補釋廿一

起昭公元年盡三年

左通一

錢塘梁履繩學

昭元遂會於虢解虢鄭地

鄭并虢鄆之地此虢當在其舊都如所稱鄆城之下是也

傳卅三漢書地理志河南郡滎陽應劭曰故虢國今虢亭是

案滎陽縣屬今河南開封府

周氏附論

子其無憂乎解圍雖取國猶將有難不無憂也

師古曰言令尹將圖爲君則楚國有難子亦有憂也

漢書五行

志中之上注

衛齊子解齊惡

齊惡齊子四世孫齊子見閔二年杜氏世族譜春秋衛襄公名惡其大

夫有齊惡明齊惡先衛侯生故得與衛侯同名是知先生

者不改也

禮記內則正義案曲禮上正義云昭七年衛侯惡卒穀梁傳云昭元年有衛齊惡今衛侯惡

何為君臣同名也君

子不奪人親所名也案襄十九年有石惡蓋亦先衛侯

生

夫弗及而憂

師古曰弗及而憂謂憂不及已而妄憂也

漢書五行志中之上注

梁其蹇解蹇叔孫家臣

複姓左傳有梁其蹇魯伯禽庶子梁其之後

廣輿記梁字注案此本英

賢傳見通志氏族略四

案魯別有梁氏

莊卅二

莊九年梁子是也魯

孝公時有梁買子見公羊昭卅一年傳

牆之隙壤

韓非子曰牆之壞也必通隙

見亡徵篇  
惠氏補注四

案鬼谷子謀

篇云牆壞於其隙商子修權篇云隙大而牆壞又淮南人

閒訓牆之壞也於隙皆與此同

召使者裂裳帛而與之曰帶其褊矣

解言帶褊盡故裂裳示

不相逆

陸云褊狹小也言此帶其小矣又以後范鞅請冠而叔孫

姑與之兩冠僞若不解其意者以爲與此同

見廿三年

愚謂不

解亦不相逆之意而必裂裳者且以杜其再請耳

傅氏辯誤下

舉之表旗解旌旗以表貴賤

表旗謂諸侯設旗爲表觀禮諸侯觀天子入墀門或左或

右各就其旗而立是以旗表位也

讀左日鈔八

虞有三苗解放三危者

案淮南子

修務

云舜征三苗而道死蒼梧尚書竄三苗于三

危在西裔

案淮南注三危西極之山名

今舜征有苗乃死於蒼梧者張

逸荅焦氏問云

案焦氏名喬見月令正義太平御覽禮儀部八

初竄西裔後分之

在南野漢書地理志有蒼梧郡

禮記檀弓正義

三苗國名張守

節據吳起言昔三苗氏左洞庭右彭蠡

案見史記吳起傳戰國魏策作左彭

蠡之波右洞庭之水淮南齊俗訓高氏注三苗之國在彭蠡洞庭之野即本此

洞庭湖名在岳州

巴陵縣西南一里南與青草湖連彭蠡湖名在江州潯陽

縣東南五十二里以天子在北故洞庭在西為左彭蠡在

東為右今江州鄂州岳州

案江州今江西九江府鄂州今湖北武昌府岳州今湖南岳州

內巴陵縣三苗之地也

案以上見史記正義

杜氏通典則以潭州今湖

南長沙府岳州衡州今衡州府皆古三苗國地四書釋地續

夏有觀扈解觀國今頓丘衛縣扈在始平鄠縣書序曰啟與有扈戰于甘之野

扈有二莊二十三年盟于扈鄭地也今原武縣今屬河南懷慶府

昭元年夏有觀扈古國也今京兆府鄠縣春秋分記疆左理書十一

傳夏有觀扈比觀于三苗有扈姚邳徐奄楚語啟有五觀與丹朱商均大甲管蔡並號姦子韓子說疑同周書嘗麥解五子忘伯禹之命興亂凶國亦與蚩尤類舉然皆莫識所出故左氏疏謂史傳無文斯先儒蓋闕之義焉自漢書人表云太康兄弟五人號五觀置之下中等地理志東郡縣名其處爲畔觀而韋昭因取以注國語道元水經巨洋

水注同路史後紀及國名紀仍之云后啟五庶封于衛是  
爲五觀夫古未有五人而合封一國者且旣據國以叛又  
奚須于洛汭之栖栖乎倘依僞古文之述戒作歌方將爲  
啟之賢胄

王厚齋  
言之

奈何夷于叛人姦子也攷竹書紀年帝

啟十一年放王季子武觀于西河十五年武觀叛彭伯壽  
征之乃來歸沈約注武觀卽五觀與國語稱姦子周書稱  
五子合墨子非樂下篇有引武觀語蓋武五音近或相通  
借其實一人非五人也然司馬彪續漢書郡國志云衛本  
觀國姚姓則不得爲夏之宗室而況爲啟子耶是可疑者  
若更以此五子適有五而牽配之則誣矣後人又嘗以斟  
灌爲五觀而斟灌乃帝相之忠臣爲夏宗室其國在北海

平壽非東郡之畔觀鄆縣全祖望經史問荅論之甚審又案扈爲夏同姓之國尚書疏云有扈見堯舜受禪啟獨繼父故不服又云有扈爲啟之兄弟此本于淮南注淮南齊俗訓曰有扈氏爲義而亡高誘注有扈啟之庶兄以堯舜舉賢禹獨與子故伐啟不知所出本紀論中言夏之後有扈氏則是與夏同姓矣宋黃震日抄曰蔣榮甫謂其伯父尚書嘗聞前輩言扈見啟繼禹不服一戰于甘自是終夏之四百年不臣至湯伐夏而後扈來臣于商故作臣扈之書湯放桀于南巢巢國不義之終商六百年不朝至武王代商而後巢伯來朝于周故作旅巢命之書此說甚新而確或問墨子明鬼篇引甘誓全文以爲禹誓何歟曰禹先



有伐扈事莊子人間世呂覽召類說苑政理皆言之而甘  
誓一篇與禹貢相接遂謬以爲禹耳至楚辭天問注謂扈  
本牧豎得爲諸侯啟擊殺之于牀案洪興祖補注與王異乃不經之  
談不足信也史記志疑二觀國今山東曹州府觀城縣扈國在

今陝西西安府鄠縣北大事表五

商有姚邠邠二國商諸侯邠今下邳縣

外壬元年邠人姚人叛河亶甲三年彭伯克邠五年姚人

入于班方彭伯韋伯伐班方姚人來賓竹書紀年說文姚殷諸

侯爲亂疑姓也所臻切姚卽呂氏春秋本味篇之有姚氏高

誘云姚讀曰莘故文選辨命論注引作有莘氏僖二十八  
年傳所謂有莘之虛是也春秋時爲衛地今在山東曹州

府曹縣北

周氏附論

邳國今江南

江蘇

徐州府邳州

大事表五

餘詳

古音

周有徐奄

解

二國皆嬴姓

正義

服虔云一曰魯公所伐徐戎

也案費誓云淮夷徐戎並興孔安國云淮浦之夷徐州之戎

並起為寇云云

書序云徐夷並興東郊不開則此戎在魯之東故得與奄

相比非徐境矣

春秋地名攷略十一

今山東曲阜縣舊城即古奄地

解

義四十七

案徐戎是戎之在徐州者與徐國別奄地

即漢書藝文志所云魯淹中也

奄於檢反亦有淹音漢書禮樂志注云奄讀曰淹

餘詳駁證

趙孟欲一獻

壹獻士飲酒之禮

禮記樂記注

具五獻之遵豆於幕下解朝聘之制大國之卿五獻正義周

禮大行人稱上公饗餼九牢饗禮九獻云云

案大行人云上公九獻侯伯七獻子男五獻並依命數其

臣介則孤同子男卿大夫略爲一節俱三獻則天子諸侯

之士同壹獻故昭六年季孫宿如晉晉侯享之有加遵武

子退使行人告曰得貺不過三獻是其事也但春秋亂世

之法或有大夫五獻者故昭元年鄭享趙孟具五獻之遵

豆於幕下是亂世之法也或者鄭以公孤之禮享趙孟故

五獻也

禮記樂記正義

武請於冢宰矣解冢宰子皮

案此或以爲執政之美稱猶南遺稱季孫爲冢卿士會稱

蒿敖爲宰也非鄭獨設冢宰之官

大事表十

案杜譜云罕虎

冢宰直以子皮居是官矣非是

禮終乃宴

正義謂享禮既終卽因而爲宴不待異日也

饗言一朝者言王殷勤於賓早朝而卽行禮故云一朝猶

早朝以燕如至夜饗則如其獻數禮成而罷故以朝言之

左傳云鄭饗趙孟禮終乃燕是饗不終日也

詩彤弓正義

勞趙孟於潁解潁水出陽城縣九年解潁周邑

陽城廢縣在河南府登封縣東南四十里本周之潁邑昭

九年晉梁丙張趯率陰戎伐潁戰國初屬鄭謂之陽城史

記韓伐鄭取陽城秦爲陽城縣陳勝陽城人

讀史方輿紀要四十八

館於雒汭解雒汭在河南鞏縣南水曲流爲汭

水經注洛水入河之處亦曰什谷張儀說秦下兵三川塞

什谷之口是也

見史記本傳

漢王距楚兵于此隋于此置洛口

倉

大事表九

程氏曰洛旣北入河河之南洛之北其兩間爲汭

汭之爲言在洛水之內渭水入河之間亦名渭汭是其義

也案杜元凱云水曲流爲汭蓋洛水自故洛陽城南東流

至偃師縣東南折而北逕鞏縣東又北入于河謂曲流爲

汭亦無不可也

禹貢錙指十

古洛水在河南府鞏縣北少

東八里入河謂之洛汭今東至汜水縣西北入河

案汜水屬開封

府春秋輿圖

子盍亦遠績禹功而大庇民乎解勸趙孟使纂禹功

周譜云定王五年河徙故道

案漢書溝洫志水經河水五注意林引桓譚新論並同

及穀洛鬪後河勢愈甚劉子以治河事委趙孟故有是言齊人城邾晉未聞焉鄭子大叔曰晉國不恤周宗之闕是

也

惠氏補注四

諺所謂老將知而耄及之者解八十曰耄耄亂也

師古曰言人年老閱歷既多謂將益智而又耄亂也

漢書五行

志中之上注

大雅抑詩借曰未知亦聿既耄蓋當時之語云然

惠氏補注四正義引此傳爲證

案詩

曾天謂曾阜曰解曾阜叔孫家臣

曾氏夏少康封其少子曲烈於鄫襄六年莒滅之鄫太子

巫仕魯去邑爲曾氏見世本巫生阜阜生哲哲生參字子

與父子並仲尼弟子

通志氏族略二

鄭徐吾犯之妹美解犯鄭大夫

廣韻

吾字注

曰鄭公子有食采於徐吾之鄉後以為氏據此

則子南子皙爭同姓以為室也

惠氏補注四

案若同姓為昏

犯告子產子產宜止之矣萬氏氏族略云成元年王師敗

績于徐吾氏即茅戎之別則犯疑戎種也此說殊是

既而纈甲以見子南

以衣衷著甲謂之纈

周禮考工記函人疏

及衝解衝交道

謂南北東西各有道相衝

說文衝字繫傳

案爾雅四達謂之衢

郭云交道四出蓋亦謂之衝也

將行子南

行亦放也春秋傳曰子將行之

見下詩苑柳箋

周公殺管叔而蔡蔡叔解蔡放也釋文上蔡字音素葛反說文作𦵏音同字從殺下米云𦵏𦵏散之也會杜義

春秋左傳曰殺管叔而𦵏蔡叔言放之若散米

說文𦵏字𦵏傳

詳見攷異

秦后子有寵於桓如二君於景解后子秦桓公子景公母弟鍼也其權寵如兩君

鍼后子伯車也

伯車見襄廿六國語晉語八注

秦徵衛實難桓景

國語楚語

上案韋注云徵衛公子鍼之邑

造舟于河解造舟為梁正義釋水云天子造舟云云



公羊疏引舊說云以舟爲橋詣其上而行過故曰造舟言以舟爲梁故謂之造造成也

見宣十二年下

詩疏云造舟者比船

於水加板其上卽今之浮橋故杜預云造舟爲梁則河橋之謂也周制唯天子得用造舟左傳秦公子鍼造舟于河周禮之末失也又釋文引郭圖云天子並七船諸侯四大夫二士一

見爾雅音義上邵氏爾雅正義十三

國未艾也解艾絕也

師古曰艾讀曰刈絕也

漢書五行志中之上注

國於天地有與立焉解言欲輔助之者多

師古曰言在天地之間多欲輔助相與其成立之

五行志中之上

注

其幾何

師古曰言當幾時也

五行志中之上注

趙孟視蔭曰解蔭日景也

師古曰蔭謂日之蔭影也

五行志中之上注

私盟于閨門之下實薰隧解閨門鄭城門薰隧門外道名

閨門鄭內宮北門薰隧如後世所謂複道云

讀史方輿紀要四十七

及羣狄于大原解即大鹵也大鹵大原晉陽縣

羣狄即所云衆狄蓋白狄也宣十一年卻缺求成于衆狄

以攜赤狄之黨遂滅潞氏是後役于晉從晉伐秦中間爲

秦所誘而有交剛之敗

成十二

其禍遂熄閱四十二年復牽

帥無終以伐晉無終今直隸薊州在太原東北二千餘里

且曾與晉和羣狄輒敢構扇為患邊鄙宜其啟晉雄心而

有肥鼓之滅也

大事表三十九

春秋地名云晉太康一名大夏又

云晉大鹵太原大夏參墟晉陽太康六名其實一也

初學記州

部杜氏釋例云晉大鹵太原大夏參墟晉陽一地而六名

余謂尚不止此昭元年曰唐定四年曰夏虛晉語曰實沈

之虛襄二十四年曰陶唐

杜注堯所治地太原晉陽縣

世本曰鄂

宋忠曰鄂

地今在

詩譜曰堯虛

康成曰成王封母弟叔虞于堯之故墟曰唐侯

又六名皆是

也

尚書古文疏證七

案今刊本杜氏上地名云隱六年

晉大鹵太原大夏參墟晉陽六名然數之惟有五名因

檢隱六年傳有納諸鄂之文始悟杜氏并鄂數之故得六

名閻氏向未深按初學記所引乃京相璠春秋古地名也

杜例必據傳文所有春秋說題辭曰高平曰太原原端也

方載太康不見傳也平而有度廣雅曰大鹵太原也釋名曰地不生物曰鹵鹵

盭也

水經汾水注

太原在平陽東北左傳臺駘能業其官以處

太原卽書所謂太原矣亦謂之大鹵春秋昭公元年晉荀  
吳帥師敗狄于大鹵三傳皆作太原穀梁云中國曰太原  
夷狄曰大鹵又謂之大夏左傳遷實沈于大夏史記禹鑿  
龍門通大夏齊桓公西伐大夏是也又謂之夏虛左傳命  
唐叔以唐誥而封於夏虛是也又謂之晉陽春秋定公十  
三年晉趙鞅入于晉陽以叛是也周時迫近戎狄故祝佗  
言成王封唐叔於夏虛疆以戎索籍談言晉居深山戎狄  
之與鄰景王言唐叔受分器以處參虛匡有戎狄杜氏曰  
太原近戎而寒不與中國同其地蓋華戎錯居故穀梁有  
夷狄曰大鹵之說

禹貢錐指二

大夏古唐國叔虞始封時所都

也在今山西太原府太原縣治北古晉陽城在縣治東北

大事表  
七之三

請皆卒自我始解去車爲步卒

晉本專用車戰今始用步卒猶始墨之類胡氏傳謂車戰

法亡實啟於此然春秋之初鄭已用徒兵矣

周氏  
附論

乃毀車以爲行五乘爲三伍解五乘十五人今改去車更以  
五人爲伍分爲三伍

韜鈴內篇曰晉舊法用周制五人爲伍五伍爲兩百人爲  
卒二十五乘爲偏每攻守二乘卒百人攻車七十五人前  
拒一隊左角一隊右角一隊守車二十五人爲廕養樵汲  
炊爨守裝之用凡興兵十萬用車輕重各一千乘也

李衛  
公說

同荀吳以大鹵阨而險始舍車爲步步如車布蓋一伍五人分前後左右中五方而立一兩二十五人亦分前後左右中而立方各一伍也一車甲士三人以居中九十七人分居前後左右方各一兩也五車爲隊隊之布如卒之布二十五乘爲偏偏之布如隊之布五偏爲陳陳之布如偏之布毀車爲行雖不用車而車法在其中故其卒分爲五陳以相離麗也各居一處而疏列之卽一偏之法也蓋車法起於步法而步法不外於車法焉其前兩後伍左參右專陳之衆寡不同者實因地形夷險之便而增損其數出於一時之權宜也

讀左日鈔八

實沈臺駘爲祟

說文曰崇神禍也惠氏補注四

居於曠林解地闕

賈逵曰曠大也史記鄭世家集解 案據此說則為曠廓之林猶

穆天子傳所云曠原也特所在未詳

遷實沈于大夏主參解大夏今晉陽縣

服虔曰大夏在汾澮之間主祀參星鄭世家集解

唐人是因

有勝國有因國周禮媒氏凡男女之陰訟聽之于勝國之社喪祝掌勝國邑之社稷之祝號士師若祭勝國之社稷則為之尸書序言湯既勝夏欲遷其社又言武王勝殷左傳凡勝國曰滅之文十是也王制天子諸侯祭因國之在

其地而無主後者左傳遷闕伯于商丘主辰商人是因遷  
實沈于大夏主參唐人是因齊晏子曰昔爽鳩氏始居此  
地季荊因之有逢伯陵因之蒲姑氏因之而後大公因之

昭廿是也

日知錄六

生允格臺駘

服虔曰允格臺駘兄弟也

史記鄭世家集解

宜汾洮解宜猶通也汾洮二水名正義釋例曰汾水出大原  
故汾陽縣至河東汾陰縣入河其洮水闕不知所出當亦是  
晉地之水後世竭涸無其處耳

涑水所出俗謂之華谷至周陽與洮水合水源東出清野  
山東逕大嶺下西流出謂之哈口又西合涑水司馬彪曰



洮水出聞喜縣

案縣屬山西絳州

故王莽以縣爲洮亭也然則涑

水殆亦洮水之兼稱乎

水經涑水注

汾見成六年

沈姻募黃實守其祀解四國臺駘之後

黃在汾州爲晉所滅非江黃之黃之近楚者案國策犀首

伐黃過衛使人謂衛君曰黃城將下矣將移兵造大國之

城下犀首魏官則爲晉所滅者此是也若史記所稱黃帝

末孫陸終之子封于黃後爲楚滅者國在今羅山縣西十

二里

姜宸英湛園未定稿五

則水旱癘疫之災正義陳思王以爲癘疫之氣止害貧賤其

富貴之人攝生厚者癘氣所不及其事或當然也

建安二十二年癘氣流行家家有僵尸之痛室室有號泣

之哀或闔門而殪或覆族而喪或以爲疫者鬼神所作夫  
罹此者悉被褐茹藿之子荆室蓬戶之人耳若夫殿處鼎  
食之家重貂累蓐之門若是者鮮焉此乃陰陽失位寒暑  
錯時是故生疫而愚民懸符厭之亦可笑也

御覽疾病部  
五引此同

曹植集說疫  
氣案太平

男女辨姓禮之大司也今君內實有四姬焉解辨別也同姓  
姬四人

晉有四姬鄭子產有男女辨姓之言考之穆天子傳穆王  
有盛姬蓋周禮之壞自王朝始諸侯何誅焉

困學紀  
問六案

襄廿六年衛人歸衛姬于晉四姬蓋其娣姪或同姓之國  
媵之晉獻公有狐姬驪姬幾致喪國至平公而復效尤其

失政也宜哉

良臣將死天命不祐解良臣不匡救君過故將死而不爲天所祐

僧智緣善醫每察脈知人貴賤禍福休咎診父之脈而能道其子吉凶士大夫爭造之王珪與王安石在翰林珪疑古無此安石曰昔醫和診晉侯而知其良臣將死夫良臣之命乃見於其君之脈則視父知子亦何足怪哉

朱史方技傳下

天有六氣降生五味解謂陰陽風雨晦明也謂金味辛木味酸水味鹹火味苦上味甘皆由陰陽風雨而生正義尚書洪範云若先儒以爲雨爲木味風爲土味晦爲水味明爲火味陽爲金味而陰氣屬天不爲五味之主此杜所不用也

鄭洪範注云風上也爲木妃雨木也爲金妃故星好焉推此而往南宮好暘北宮好燠中宮四季好寒也此庶徵寒燠卽晦明也加之以陰則爲六氣故五行傳陰屬皇極故曰皇之不極厥罰常陰是也而賈逵服虔因此以風東方雨西方又云陰中央晦北方明南方唯天陽不變唯晦明所屬爲當餘甚謬矣

詩漸漸之石正義

鄭義天陽不變陰爲金雨

爲木風爲土明爲火晦爲水

周禮春官大宗伯疏

案莊子天道篇

所謂六通卽此六氣也

本釋文

正義本杜爲說云陰陽風雨

晦明合雜共生五味故不取分配之論余因思氣虛味實一氣中不止生一味云五味者特舉五行之正味而言釋道世法苑珠林一百十九引阿含經云一切味不過八種

一苦二澀三辛四鹹五淡六甜七酢八不了味是真善言  
味者矣

分爲四時序爲五節解六氣之化分而序之則成四時得五  
行之節

王樵曰氣有溫暑涼寒分爲四時春夏秋冬也序此四時  
以爲五行之節計一歲每行得七十二日有餘土分王四  
季故每季之末有十八日也讀左日鈔八

陰淫寒疾陽淫熱疾風淫末疾雨淫腹疾晦淫惑疾明淫心  
疾解寒過則爲冷云云

案內經曰陰平陽祕精神乃治陰勝則寒陽勝則熱寒勝  
則浮熱勝則腫此陰淫寒疾陽淫熱疾之謂也又曰風者

善行而數變百病之長也風勝則動王冰注風勝則庶物  
動搖四支爲四末受氣於中宮中宮不足則四支厥冷故  
風淫爲末疾也又曰雨氣通於腎雨溼流行腎水受邪民  
病腹病又曰溼勝則濡瀉蓋脾土惡溼溼盛則土不能制  
故雨淫爲腹病也醫書又有晦傷魄明傷魂之論以魂陽  
而魄陰也陰失節則晏惰故惑疾生陽太用則煩勞故心

疾生

讀左日  
鈔補下

於文皿蟲爲蠱解皿器也器受蟲害者爲蠱

蠱者損壞之名故左傳云皿蟲爲蠱是蟲食器皿巫行邪

術損壞於人

禮記王  
制正義

穀之飛亦爲蠱解穀久積則變爲飛蟲名曰蠱

釋器云康謂之蠱郭璞曰米皮外傳云蠱之慝穀之飛實

生之

惠氏補注四

論衡商蟲篇穀蟲曰蠱蠱若蛾矣粟米蝻熱

生蠱案爾雅以蠱爲康之異名

邵氏爾雅正義七

城犇櫟邾

解

犇縣屬南陽邾縣屬襄城櫟今河南陽翟縣三

邑本鄭地

犇邾本鄭邑此時已入楚史記沛公與秦南陽守莊齒戰

于犇東卽此又秦二世元年陳勝將鄧龍居邾章邯破之

卽此今河南汝州魯山縣東南有犇縣故城邾今爲汝州

邾縣

大事表七之二

櫟見桓十五年

及雍

雍故雍國地入于晉

大事表七之三

詳僖廿四年

昭二且告爲政而來見禮也解代趙武爲政雖盟主而脩好同盟故曰禮

叔孫豹嘗以晉君失政欲樹於韓子使爲魯備季孫不從今韓起爲政當聘魯不使他人而身來亦欲親結魯好或疑傳妄過矣

趙氏補注八

見易象與魯春秋曰周禮盡在魯矣解易象上下經之象辭魯春秋史記之策書春秋遵周公之典以序事故曰周禮盡在魯矣

易謂周易穆子之生也莊叔以周易筮之

昭五

明魯有周易

也象謂六官所布於邦國者若治象教象之類蓋布治布教則必并其象而布之桓僖廟災命藏象曰舊章不可亡



哀三  
明魯有所布之象也魯春秋謂據舊典禮經所記之史  
五十凡謂之禮經隱七蓋易者占人筭人所以辨吉凶象者  
六官所懸於象魏此皆周之禮也魯春秋遵五十凡爲之  
亦周禮所存故曰周禮蓋在魯也此周禮非書名沈氏魯  
之春秋公羊傳所云不脩春秋也莊七 困 學紀聞六  
宴于季氏

左傳云韓宣子來聘宴于季氏傳無譏文明鄰國大夫有  
相燕之法儀禮聘 禮疏

韓須解韓起之子

貞子卽左傳之韓須索隱引世本諡平子說苑敬慎篇有  
韓平子與叔向問荅語而人表又作悼子豈須有三諡乎

史記志疑  
二十四

執諸中都解中都晉邑在西河介休縣東南

今山西汾州府平遙縣西北十二里有中都古城西南至

介休縣五十里

大事表  
七之三

晉侯使郊勞解聘禮賓至近郊君使卿勞之

孫炎言百里之國十里爲郊則郊之遠近計境之廣狹以

爲差也聘禮云賓及郊注云郊遠郊周制天子畿內千里

遠郊百里以此差之遠郊上公五十里侯四十里伯三十

里子二十里男十里也近郊各半之是鄭之所約也周禮

杜子春注云五十里爲近郊

見地官  
載師

白虎通亦云近郊五

十里遠郊百里

今本  
闕

是儒者相傳爲然昭二年叔弓如晉

左傳曰晉侯使郊勞服虔云近郊三十里或當別有依約  
與鄭異也書傳云百里之國二十里之郊七十里之國九  
里之郊五十里之國三里之郊尚書大傳多士言其百里七十里  
是夏殷諸侯之國其郊與周異也詩駟正義案書牧誓傳云  
近郊三十里服氏於諸侯之近郊亦同此數戰國秦策曰  
郊迎三十里大約近郊以三十里為率未定是舊制也

子叔子

錢塘梁英書曰叔氏傳亦稱子叔故嬰齊亦曰子叔聲伯  
成叔老亦曰子叔齊子襄十四檀弓稱叔弓為子叔敬叔叔  
弓子叔輒昭子稱為子叔昭廿一檀弓正義云子是男子通  
稱故以子冠叔也

大刑將至

馬融曰大刑死刑史記魯世家集解

尸諸周氏之衢衢道也

南郊有周氏之汪桓十五傳卅三又有周氏之衢大事表七之二

加木焉解書其罪於木以加尸上

邦若屋誅則為明竈焉周禮秋官司烜氏玄謂明竈若今揭頭明

書其罪法也又注案漢書酷吏傳楊著其姓名師古曰

代音弋字明用刑以板書其姓名及罪狀著於身竈中

也又疏案疏又引此傳為證特以明刑書木況漢法耳揭

其罪於尸上與揭其罪於竈上用王與之周禮略有不同

三張趨

張氏老

成十

子君臣

襄十

孫超

春秋分記  
世譜二

昔文襄之霸也其務不煩諸侯令諸侯三歲而聘五歲而朝有事而會不協而盟解晉文公襄公明王之制歲聘間朝在十三年今簡之

諸侯之於天子也比年一小聘三年一大聘五年一朝

禮記

王制比年每歲也小聘使大夫大聘使卿朝則君自行然此

大聘與朝晉文霸時所制也虞夏之制諸侯歲朝周之制

侯甸男采衛要服六者各以其服數來朝

又案

昭三年左

傳鄭子大叔曰文襄之霸也其務不煩諸侯令諸侯三歲

而聘五歲而朝故云晉文霸時所制而晉文霸時亦應有

比年大夫之聘但子大叔略而不言此亦據傳文直云大

聘與朝不云比年小聘案左傳文三年聘五年朝諸侯相  
朝之法今此經文云諸侯之於天子三年一大聘五年一  
朝則文襄之制諸侯朝天子與自相朝同也鄭駁異義云  
公羊說比年一小聘三年一大聘五年一朝以爲文襄之  
制錄王制者記文襄之制耳非虞夏及殷法也案昭十三  
年左傳云歲聘以志業間朝以講禮再朝而會以示威再  
會而盟以顯昭明賈逵服虔皆以爲朝天子之法翟氏以  
爲朝霸主之法鄭康成以爲不知何代之禮故異義云公  
羊說諸侯比年一小聘三年一大聘五年一朝天子左氏  
說十二年之間八聘四朝再會一盟許慎謹案公羊說虞  
夏制左氏說周制傳曰三代不同物

案定元年傳曰  
三代各異物明古

今異說鄭駁之云三年聘五年朝文襄之霸制周禮大行人諸侯各以服數來朝其諸侯歲聘間朝之屬說無所出晉文公強盛諸侯耳非所謂三代異物也又正義君薨大夫弔卿共葬事夫人士弔大夫送葬解先王之制諸侯之喪士弔大夫送葬在三十年蓋時俗過制故文襄雖節之猶過於古

子太叔所言文襄朝聘之制考之春秋惟魯事齊桓爲合晉文以後經傳事迹皆不同蓋霸業有盛衰疏數隨時有過有不及終不可爲定制也卿共葬事則襄公而後魯以卿會葬者三君傳於昭三十年又記大叔之言亦見不能

常也

趙氏補注八

吾得聞此數也

左傳子大叔爲梁丙張趯說朝聘之禮張趯曰善哉吾得

聞此數是謂禮爲數也

詩我行其野序正義

譬如火焉火中寒暑乃退解火心星心以季夏昏中而暑退

季冬旦中而寒退正義月令季夏之月日在柳昏心中

案今月令

作火中呂覽淮南並作心中

旦奎中季冬之月日在婺女昏婁中且氐中

氐後卽次房心是季冬旦火中也

服虔云火大火心也季冬十二月平旦正中在南方大寒

退季夏六月黃昏火星中大暑退

詩七月正義案周禮天官凌人疏同胡

氏曰星辰之運始則見於辰至未然後得其中至於申則

流至於戌則伏傳言火見於辰

襄九

又以大火爲大辰

昭十七



又以日月星爲三辰桓豈非日月星辰至於辰而畢見故

邪詩言定之方中左傳言火星中而寒暑退及月令所紀

昏旦中星非它取也取其中於未耳詩言七月流火豈非

至申則流與傳言火伏於戌襄九昭豈非至戌則伏與餘

星皆類此王氏六經案此亦晉用夏正之證呂氏春秋

博志篇冬與夏不能兩刑高誘注火中而寒暑退故口不

能兩刑可與傳義相參

此其極也能無退乎

晏子諫景公重刑後及其聘晉與叔向言齊國之政將歸

陳氏景公厚斂焉陳氏厚施焉是旣諫得言君之過若其

未諫而言君過則不可故昭三年子大叔如晉張趯與子

大叔言云火星中而寒暑退此其極也能無退乎未曾諫  
君輒言君德之退故傳云張趯有知其猶在君子之後乎  
是其被譏也

禮記檀弓  
上正義

早世隕命

蚤世蚤卽亡也

國語周  
語中注

齊舊四量豆區釜鍾四升爲豆各自其四以登於釜解四豆  
爲區區斗六升四區爲釜釜六斗四升登成也

周禮栗氏爲量鬴深尺內方尺而圓其外其實一鬴其臀  
一寸其實一豆其耳三寸其實一升重一鈞春秋左氏傳  
曰齊舊四量豆區鬴鐘四升曰豆各自其四以登於鬴四  
豆爲區區斗六升也四區爲鬴六斗四升也鬴十則鍾六

十四斗也鄭玄以為滿方尺積千寸

戴震考工記圖上注云此立方之漢比

九章粟米法

考工記東氏注作於今粟米法

少二升八十一分升之二十

二

賈疏云算漢方一尺深尺六寸二分容一石

以算術考之古斛之積凡一千

五百六十二寸半方尺而圓其外減旁一釐八毫其徑一

尺四寸一分四毫

李籍九章算術音義以此作四釐

七秒二忽有奇而深

尺即古斛之制也

晉書律歷志上一日亭林補注引毛晃曰豆當音斗考

案盛百二抽堂筆談

工記

一獻而三酬則一豆矣豆古斗字案此恐非梓人爵

氏云

豆當為斗者蓋以一獻一觚一獻而三酬則一豆矣鄭

耳若

東氏注仍云四升為豆初不改豆為斗也劉公是七

經小傳獻以一升酬以三升并計之為

山木如市弗加於山正義如訓往也言將山木往至市也  
梁英書曰管子山國軌篇云立三等之租於山曰握以下

者爲柴植把以上者爲室奉三圍以上爲棺槨之奉至景公設衡鹿等官弃桓公之法而陳氏以市木如山舍利於民亦可謂善施矣

魚鹽蜃蛤

小曰蛤大曰蜃皆介物蚌類也

國語晉語九注師古曰蛤似蚌而

圓

漢書地理志下注

蜃見成二年疏

而三老凍餒解三老謂上壽中壽下壽皆八十已上不見養遇

晉姜鼎銘云保其孫子三壽是利

見嘯堂集古錄

魯頌曰三壽作

朋三代養老之法於國老中取三人焉謂之三老於庶老

中取五人焉謂之五更

見續漢書禮儀志上注所引月令章句之文

惠氏補注四

屨賤踊貴解踊則足者屨

踊則者以之接足

廣韻踊字注

箕伯直柄

有虞氏後箕箕子之先箕伯之封小國也姓纂云商之圻

內今太原晉敗狄于箕者

信三十三

直直柄國昭二十三年直

人周地

路史國名紀四

而女富溢尤解女嬃寵之家

逸周書鄧係十敗所謂女貨速禍也

惠氏補注四

以樂惛憂解惛藏也正義當讀如弓韜之韜言以音樂樂身

埋藏憂愁於樂中猶古詩云埋憂地下也

仲長統作詩二篇以見志有云寄愁天上埋憂地下見後

漢書本傳

周氏附論

讒鼎之銘解讒鼎名也正義服虔云讒鼎疾讒之鼎明堂位所云崇鼎是也一云讒地名禹鑄九鼎於甘讒之地故曰讒鼎二者並無案據

考韓子說林

下

曰齊伐魯索讒鼎魯以其質往齊人曰質

也魯人曰眞也齊曰使樂正子春來吾將聽子新序

呂節士

氏春秋

審己

皆曰岑鼎二字音相近然則讒鼎魯鼎也明堂

位魯有崇鼎服注不爲無據

困學紀聞六

案新序呂氏春秋

並作桺下季事疑當在僖廿六年齊伐魯北鄙展喜犒師之時則此時鼎已在齊故晏子述之若爲樂正子春乃曾子弟子出春秋之後已

昧且不顯解昧旦早起也

昧爽不顯見左傳爲魯讒鼎之銘坐以待旦見孟子乃周公中夜以思此理忽得不復寐遂坐以待旦昧爽云者欲明未明之時也旦早也明也相去時僅幾希此何足以見成湯憂勤惕厲之甚而舉以告嗣王乎朝辨色始入君日出而視之辨色黎明之時日出則曰旦矣雖分有先後實相去無幾若漢劉向傳專積思於經術晝誦書傳夜觀星宿或不寐達旦鄭當時傳請謝賓客夜以繼日至明旦趙廣漢傳天性精於吏職見吏民或夜不寢至旦晉傳立傳每有奏劾或值日暮捧白簡整簪帶踈踊不寐坐而待旦皆自夜至旦或竟自晝日日暮至旦歷時甚久故史志其

異豈所謂於昧爽與旦之間哉

尚書古文疏證四 案姚際恆立方曰先王昧爽不

顯易左傳旦字爲爽字者避下句襲孟子生以待旦旦字也見補遺

受策以出

傳見晉侯策命外大夫賜之以田僭天子之禮

趙氏補注八

公事有公利無私忌

韓非子

外儲說左下

曰私怨不入公門

惠氏補注四

案哀五年傳

私讎不及公亦是此義

小人糞除先人之敝廬

聘禮卿館於大夫游吉卿也張趯大夫也吉送少姜葬館

焉故今云糞除先人敝廬

惠氏補注四

齊侯田於莒解莒齊東竟



菑齊邑陳氏食采于此昭十年陳桓子請老于菑是也蓋  
取地于菑遂謂之菑如鄭取許田而謂之許楚取沈邑而  
謂之沈魯有薛地而謂之薛耳

春秋地名  
攷略三

補釋廿二

起昭公四年盡五年

左通一

錢塘梁履繩學

昭使椒舉如晉

伍舉

見襄廿六

亦曰椒舉

高氏左傳姓名同異攷二

伍參食邑於椒

參見宣十二

故其後為椒氏

通志氏族略四

案椒舉子亦稱椒鳴

襄廿六

外傳

楚語作湫舉湫鳴湫椒古通詳昭十三年攷異

四嶽解東嶽岱西嶽華南嶽衡北嶽恆正義釋例土地名云

東嶽泰山奉高縣泰山也南嶽長沙湘南縣衡山也

案今本校云續

漢書郡國志湘南侯國屬長沙郡晉書地理志孫權分長沙立衡陽湘東二郡湘南縣屬衡陽履繩謂杜氏作土地名時

郡縣尚仍舊制往往與西嶽弘農華陰縣西南華山也北嶽

晉書不合非杜之誤也中山曲陽縣西北恆山也

今本作上曲陽縣因趙國有下曲陽故此加上校云郡國志上曲陽

屬中山國晉書地理志上曲陽屬常山郡不屬中山國

郭璞注恆山名常山辟漢文帝

諱耳云云

泰山在山東泰安府泰安縣北五里華山在陝西同州府

華陰縣南十里

春秋與圖

衡山在湖廣衡州府衡山縣西三十

里

讀史方輿紀要一

恆山在山西大同府渾源州東南二十里

讀史

方輿紀要

南嶽或以爲衡山或以爲霍山

今安慶

案皮日休

霍山賦云洎唐虞以降皆燔柴於霍自漢之後乃易我號

而歸於衡顧寧人釋北嶽謂禹會諸侯於塗山塗山近潛

之地證古之巡守無南至湘中者其言辨矣但衡霍皆一

山而二名湘之衡可以名霍潛之霍可以名衡古人多以

霍爲衡後人多以衡爲霍爾雅釋山曰江南衡郭注云衡

山南嶽

未詳  
河地

爾雅又曰霍山爲南嶽注云卽天柱山潛水

所出也尚書大傳亦以南嶽爲霍山漢書武帝巡南郡登

禮潛之天柱山號曰南嶽

衡山五峯其一亦名天柱

又諸侯王表北界

淮瀕略廬衡爲淮南顏師古注曰廬衡二山名也白虎通

巡狩篇釋五岳亦云霍山而風俗通義載之尤明曰南方

衡山一名霍霍者萬物盛長垂枝布葉霍然而大廟在廬

江

潛

唐盧潘作廬江四辨曰衡卽今霍山此皆霍山名

衡之證也吳越春秋越王無余外傳曰禹治水始於霍山

注云南嶽衡山又名霍山泰與岱衡與霍皆一山二名晉

李石續博物志曰衡山卽霍山山海經衡山卽岫嶺山志

蓋引山海經以證衡之名霍其它見於唐詩者如杜工部

送王十六判官詩云衡霍生春早瀟湘共海浮劉長卿王處士草堂壁畫衡霍諸山詩云夢此衡霍近卷簾如可攀能令堂上客見盡湘南山郎士元題劉相公三湘圖詩云昔別醉衡霍邇來憶南州今朝平津邸兼得瀟湘遊雖詩人之辭多不深攷要皆衡山名霍之證也又案吳越春秋吳太伯傳太伯仲雍知古公欲以國及昌古公病二人託名采藥於衡山遂之荆蠻注以衡山爲南嶽吳王壽夢傳十六年楚恭王伐吳至衡山而還注引左傳襄公三年楚克鳩茲至于衡山杜預曰衡山在吳興烏程縣南案續漢書郡國志卽丹陽縣之橫山然則采藥之衡山安知非卽此山耶韓門綴學續編或問北嶽祀典畢竟應在渾源州抑仍曲陽耶余曰曲陽是

也

案上曲陽今直隸定州曲陽縣是

前明萬歷十六年大同巡撫胡來貢

疏請改北嶽沈文端鯉爲宗伯覆疏詳駁此駁出足以塞

異議者之口矣第惜其引史僅及漢宣帝未上及武帝元

鼎三年常山王徙然後北嶽在天子邦內天漢三年泰山

修封還過祠常山瘞玄玉二事引經亦僅及周官禹貢余

爲詳補曰舜典十有一年朔巡守至于北岳傳曰北岳恆

山禹貢太行恆山疏曰恆山在上曲陽西北爾雅兼殷制

釋山曰河北恆周禮職方氏正北曰并州山鎮曰恆山注

曰恆山在上曲陽是虞夏殷周異代同揆則舜當日蚤覲

北諸侯于今曲陽大茂山之下非山經所稱

案北山經曰又北二百里

曰北嶽之山郭氏不言何地

今渾源之北嶽水經注所稱之玄岳

案水經

水注曰崞縣南面立岳右歷歷可知豈容議議之者以定  
背崞山縣今爲渾源州

鼎於燕曲陽在南渾源少北改而祠之於方位宜余謂則  
有孔穎達毛詩崧高之疏在曰若必據已所都以定方岳  
則五岳之名無代不改何則軒居上谷處恆山之西舜居  
蒲坂在華陰之北豈當據已所在改岳祀乎余嘗愛王導  
云古之帝王不必以豐儉移都此名相之言也孔穎達云  
天子不據已所都以定方岳此名儒之言也金世宗大定  
間或言今既都燕當別議五岳名不得仍前代太常卿范  
拱輒援崧高疏數語以對後不復改明以來之人獨未讀  
金史乎潛上劄記三案恆山一名大茂山本沈存中夢溪筆  
談之雜誌江都劉師峻作北嶽考內載前明弘治中兵部

尚書馬文升疏云五嶽之名宜從京師今北嶽在京師南  
宜請更祀時禮部侍郎倪岳言恆山祀於曲陽歷漢迄今  
二千餘年不可輒改因下禮臣議卽據金史范拱語以覆  
事在萬歷前閻氏遽爾譏之亦疏于數典矣考又云曲陽  
在隋爲恆陽縣恆山距縣西北百四十里若渾源州在元  
初爲恆陰縣恆山在州南二十里山南曰陽山北曰陰履  
繩因思都燕京者據方位則宜秩祀渾源之恆山前明禮  
部尚書沈文端議駁疏引渾源州志云恆山上有嶽廟舜  
北巡守至于北岳值大雪遙祀之忽飛一石墮帝前遂建  
廟於大茂山又五載巡守其石又飛於曲陽復建廟焉此  
雖不經亦可見岳祭之本在渾源也北方色爲玄又是恆



山之陰故水經注以立岳稱之衡霍二山尚可移祀況恆陽恆陰總屬一山乎故淮南時則訓有兩恆山之稱

本朝順治八年遣鑾儀衛都督同知喬可用祭告北嶽於曲陽猶沿舊制順治十七年從刑科給事中粘本盛之請改祀渾源至今循之乾隆五十年乙巳先少司空以憲副奉命祭告北嶽於渾源州作詩一章亦以前明馬胡改祀之疏爲是其時禮臣狃于故事並格不行逮聖朝而始釐正之故句有云曲陽罷祀崇立岳神無不在專明禋是可以質諸山靈矣

三塗所在河南陸渾縣南正義服虔云三塗大行轅轅嶠澗也謂三塗爲三處道也杜云在河南陸渾縣南則以三塗爲

一釋例土地名云三塗河南陸渾縣南山名或曰三塗伊闕  
大谷轅轅三道也傳曰晉將伐陸渾而先有事於洛與三塗  
先祭山川也謂三道皆非也是杜據彼十七年傳文知三塗  
是山非三道也

伊水歷崖口山峽也翼崖深高壁立若闕崖上有塢伊水  
逕其下歷峽北流卽古三塗山也杜預釋地曰山在縣南  
闕駟十三州志云山在東南今是山在陸渾故城東南八  
十許里房書武王問太公曰吾將因有夏之居南望過于  
三塗北瞻望于有河

度邑解

春秋昭公四年司馬侯曰四嶽

三塗陽城太室荆山中南九州之險也服虔曰三塗大行  
轅轅崱澠非南望也京相璠著春秋土地名亦云山名也

以服氏之說塗道也準周書南望之文或言宜爲輶輶大

谷伊闕皆爲非也春秋晉伐陸渾請有事于三塗知是山

明矣

水經伊水注

三塗山在河南河南府嵩縣西南十里

春秋輿圖

陽城

正義

土地名云河南陽城縣東北山洧水所出也

漢潁川有陽城縣以山得名洧水所出唐武后改曰告成

後又曰陽邑五代周省入登封故此山在今登封縣北三

十八里

案縣屬河南府

去嵩山幾隔三十里

四書釋地

大室

正義

大室卽嵩高也釋山云嵩高爲中嶽郭璞云大室

山也別名外方今在河南陽城縣西北土地名云大室河南

陽城縣西嵩高山中嶽也地理志云武帝置密高縣以奉大

室之山是爲中嶽又有少室在大室之西也

漢書武帝紀元封元年登禮嵩高置奉邑名曰崇高地理志潁川密高縣武帝置以奉太室山是爲中岳有太室少室山廟古文以密高爲外方山也師古曰密古崇字今名嵩山在河南登封縣北十里左傳曰四嶽三塗陽城太室太室卽嵩高也於四嶽外別言之亦可見嵩高時不爲嶽矣爾雅嵩高爲中嶽蓋後人所附益耳後漢書熹平五年復密高爲嵩高韋昭曰嵩高有太室少室之山山有石室故名戴延之西征記曰東曰太室西曰少室相去十七里嵩高其總名也元和志云嵩高山在告成縣西北二十三里唐改陽城縣曰告成其故城在今登封縣東南四十里登封縣北八里高二十里周一百三十里少室山在告成縣西北五十里登封縣西

十里高十六里周三十里案古時皆指嵩高爲太室而韋昭戴延之則兼二室並稱然前賢題詠猶以太室稱嵩山而少室則仍其本名故有嵩少之目其山東跨密縣西跨洛陽北跨鞏縣縣互百五十里太室中爲峻極峯左右列峯各十二凡二十四少室峯三十六先儒皆以嵩高爲外方金吉甫曰嵩高世名中嶽安得與江夏內方相爲內外哉據唐志陸渾山一名方山蓋古外方云此說非是嵩高當禹時未爲中嶽卽爲中嶽而仍名外方與東岱西華南衡北恆一例理無可疑且陸渾方山亦何以知其爲外方乎詩大雅崧高維嶽駿極于天兼五嶽言之爾雅釋山曰山大而高崧郭注云今中嶽嵩高山蓋依此名邢疏云李

巡曰高大曰崧此則山高大者自名崧本不指中嶽今之中嶽名嵩高或取此文以立名乎無正文故云蓋以疑之是亦不以詩之崧高爲中嶽也自劉熙釋名云嵩字或爲崧則二字通作一字世遂以降神生甫專歸之中嶽文士錯解詒誤至今間有能正之者反以爲非可歎也

禹貢錐指十一

上

荆山解在新城沔鄉縣南

禹貢荆及衡陽惟荊州傳云北據荆山南及衡山之陽又荊河惟豫州傳云西南至荆山北距河水蓋以荆山爲二州之界也昭十三年楚遷許胡沈道房申於荆杜注荆荆山也是荆山之爲地廣矣又子革曰昔我先王熊繹辟在

荆山則以地近西境爲言

春秋地名攷略九

荆山在今湖廣北襄

陽府南漳縣西少北八十里

大事表八下

中南屏在始平武功縣南

始平武功縣西南有大臺山

杜氏土地名

經傳所說終南山一

名太一亦名中南

案見初學記地部上

據張衡西京賦云終南太一

隆岫崔崱潘岳西征賦云九變截辭太一龍嵒面終南而

背雲陽跨平原而連嶓冢

案文選面終南山二句在九變二句上然則終南太

一非一山也

元和郡縣志一注說同胡氏禹貢錐指十本之

案李善文選中南

山在今

陝西西安府長安縣南五十里互鳳翔岐山郿縣武功盤

屋鄠縣長安咸寧藍田九縣之境顧氏祖禹曰終南脈起

崑崙尾銜嵩岳作都邑之南屏爲雍梁之巨障關中有事

終南其必爭之險

見讀史方輿紀要五十二

潘岳關中記云終南山一

名中南言在天之中居都之南也

案初學記引之大事表八上

案中

終音相鄰通用

詳見攷異

淮南俶眞訓孟門終隆之山注終隆

則終南山嘉定錢坫氏云古隆讀臨南臨同物故終南爲

終隆也釋例又謂之大臺山諸書無此名蓋太壹之譌

九州之險也

據釋文岱在兗州華在雍州衡在荊州恆在冀州攷周禮

職方氏華屬豫州恆屬并州其三塗陽城大室並在豫荆

山在荆豫之界中南在雍梁之境惟有七州而云九州者

統亂也

周氏附論

冀之北土馬之所生解燕代



冀北出良馬則名馬曰驥驥出良馬之地故良馬因謂之

驥

案天水有驥縣示見編十五

盧毓冀州論曰冀州北接燕代

見初學記州郡

部

後世謂代爲馬郡故呂覽曰馬郡宜馬

見長政篇惠氏補注五

紂作淫虐文王惠和

紂作淫亂民散無性習常文王惠和化服之

汲冢周書序

案

此正與傳文同盧氏校云民散無性習常六字中疑尚脫二字

季武子問於申豐曰解申豐魯大夫

襄公二十三年杜解申豐季氏屬大夫此云魯大夫則似

公臣矣當用前解疑是申繻之後

桓

昭十七年有申須二

十五年有申夜姑定十二年有申句須論語有申枵蓋皆

其族也

孔氏世族譜補

古者日在北陸而藏冰西陸朝覲而出之解陸道也謂夏十二月日在虛危冰堅而藏之謂夏三月日在昴畢蟄蟲出而用冰春分之中奎星朝見東方正義釋天云北陸虛也西陸昴也云云

服氏云陸道也北陸言在謂十二月日在危一度西陸朝覲不言在則不在昴謂二月在婁四度謂春分時奎婁晨見東方而出冰是公始用之

周禮天官凌人疏

劉歆三統歷術十

二月小寒節日在女八度大寒中日在危一度是大寒前一日日猶在虛於此之時可藏冰也西陸朝覲而出之謂日行已過於昴星在日之後早朝出現也三統術四月立

夏節日在畢十二度星去日半次然後見是立夏之日

去昴星之界已十二度昴星得朝見也於此之時可出冰

也

詩七月正義

案月令季冬藏冰詩豳風三之日納于凌陰三

之日是建寅之月不同者鄭注豳地晚寒所以校一月也

案

校下疑脫運字禮記月令正義

鄭注引朝覲而出之謂經夏頒冰則西

陸朝覲而出冰羣臣用之爾雅曰西陸昴也若然日體在

昴在三月內得爲夏頒冰者據三月末之節氣故證夏頒

冰此言夏據得夏之節氣

周禮凌人疏

餘詳駁證

朝之祿位賓食喪祭於是乎用之

正義

朝廷之臣云云

朝之祿位謂大夫已上故下云命夫命婦無不受冰是也

賓謂接迎賓客食謂尋常飲食喪謂死喪祭謂祭祀

禮記月令

正義 案詩七月正義引

服注文有爲脫故不采

桃弧棘矢以除其災解桃弓棘箭所以禳除凶邪將御至尊

故正義服虔云桃所以逃凶也云云

桃去不祥棘則刺禦惡

月令正義

祭寒而藏之解享司寒

上句云以享司寒下句重述其事略其司字

詩七月正義寒謂

司寒之神則玄冥水神也所用黑牡秬黍黑牡則黑羔

禮記

月令正義

獻羔而啟之解謂二月春分獻羔祭韭始開冰室

獻羔則黑牡也亦用秬黍啟之謂二月時也故云公始用

之月令正義

公始用之火出而畢賦解公先用燭尊火星昏見東方謂三月四月中正義十七年傳云火出云云

謂二月之時蠅蟲已生公始用之四月已後暑氣漸盛則

賜及羣下

周禮天官凌人疏

畢盡也謂應是得冰之人無問尊卑

盡賦與之案左傳云火出於夏爲三月於商爲四月於周

爲五月則火出季春建辰之月以周禮夏頒冰乃建巳之

月不同者但建辰火星在卯火星始出至建巳火星漸高

總而言之亦得稱火出早則三月之末晚則四月之初不

甚相遠又三月內有得四月節時故據夏而言之

禮記月令正義

山人取之縣人傳之與人納之隸人藏之解山人虞官縣人

遂屬與隸皆賤官正義周禮山虞云云

案周禮司徒之屬山虞掌山林之政令山人猶山虞也又有遂人掌邦之野五縣爲遂故杜謂爲遂屬又縣正亦屬司徒各掌其縣之政令徵比以頒田里以分職事縣人蓋縣正之官夏官之屬有隸僕卽與人之類四官雖申豐以荅季武子之間然皆序古制非指魯也故列之周

春秋分記職官

書一

夫冰以風壯解冰因風寒而堅

冰壯盛而堅凝月令所謂冰方盛也

周氏附論

則冬無愆陽夏無伏陰解愆過也謂冬溫伏陰謂夏寒

小暑不至是謂陰匿

案今本作隱依太平御覽改匿

草木不黃落是爲愆

陽

逸周書時訓解

天無伏陰地無散陽

國語周語下

伏陰夏有霜雹也

散陽李梅冬實也注又凡霜皆冬之愆陽夏之伏陰也漢書五行

志中  
之下

春無淒風秋無苦雨解淒寒也霖雨爲人所患苦

冬則陽入於地陰行於外於是有愆陽故鑿冰而取之泄陽杜陰至春則陽不暴發而無淒風夏則陰入地中陽發於外將有伏陰故出冰而頒之助陰抑陽至秋則陰不暴作而無苦雨高麗人權敬中說  
王士禎居易錄七

民不夭札解短折爲夭夭死爲札正義周禮膳夫大札則不

舉鄭玄云大札疫癘也云云

不終曰夭疫死曰札唐云未名曰夭失之矣國語魯鄭司

農云札謂疾疫死亡也越人謂死爲札周禮地官昭十九

年傳解大死曰札此以大為天文誤爾陸氏附注三案

天札何別陳氏集解攷正曰大死為札則若云天死為札則

高麗永懷堂同觀正義可見周禮司關疏引注亦作大死

曰札洪氏容齋五筆有為南華長老作大死菴記蓋本此而義有別

於此

夏啟有鈞臺之享河南陽翟縣南有鈞臺陂蓋啟享諸侯

藏曰享神於大陵而上鈞臺初學記居處部鈞臺在今河南禹州

城北門外案州屬開封府日講春秋解義四十八

商湯有景亳之命解河南鞏縣西南有湯亭或言亳即偃師

帝癸一名十五年商侯履遷于亳成湯元年二十八年昆吾氏

伐商商會諸侯于景亳遂征韋商師取韋遂征顧竹書紀年鞏



伯國左傳曰商湯有景亳之命杜預曰縣西南有湯亭帝

王世紀曰湯亭偃師續漢書郡國志一注汲水又東逕大蒙城北自

古不聞有二蒙疑卽蒙亳也所謂景薄爲北亳矣椒舉云

商湯有景亳之命者也闕駟曰湯都也亳本帝嚳之墟案

國志河南尹偃師注帝王世紀曰帝嚳所都殷盤庚復南亳是爲西亳在禹貢豫州河洛之

間今河南偃師城西二十里尸鄉亭是也皇甫謐以爲考

之事實學者失之如孟子之言湯居亳與葛爲鄰是卽亳

與葛比也湯地七十里葛又伯耳封域有限而寧陵去偃

師八百里不得童子饋餉而爲之耕今梁國自有二亳南

亳在穀熟北亳在蒙非偃師也案穀熟卽今商丘縣也詳見詩碩玄鳥正義水經

反水注括地志云宋州穀熟縣西南三十五里南亳故城卽

南亳湯都也宋州北五十里大蒙城爲景亳湯所盟地因

景山爲名河南偃師爲西亳帝嚳及湯所都盤庚亦從都

之史記殷本紀正義亳湯都也絳州垣縣西有景原案垣縣今爲垣曲縣亳

並西接安邑案今屬山西解州蓋湯將至桀都於此誓衆故春秋

傳有景亳之命杜預不釋景又曰亳今偃師非是集韻亳字注

案景亳爲北亳卽莊十二年之蒙亳也在个河南歸德

府商丘縣杜氏以景亳爲地名故不釋景因舉鞏縣之湯

亭證之鞏與偃師相鄰並屬河南府皆西亳也言亳卽偃

師者特本帝王世紀故或之疑之爾初學記居處部湯都卽南亳也或云西亳

誠如詩玄鳥正義謂地名變易難得而詳也杜氏土地名列景亳於周地內不

言稱景亳之故宜熊氏韻會舉要謂之鞏亳矣杜氏旣從

闕疑且以集韻之說為據日知錄三十一云今曹縣東南

四十里有景山

案商上北界山東曹縣此泥於北毫之故

春秋地名攷略引與

地志偃師縣南二十里有景山

此依西毫為說也

皆據商頌景員

景山為證殊不知傳箋訓景為大不以為山名也

詳見尚書古文

疏證四

周武有孟津之誓

孟津在河陽縣南門外

杜氏土地名

詳隱十一年盟下

成有岐陽之蒐

解

成王歸自奄大蒐於岐山之陽岐山在扶

風美陽縣西北

成王六年大蒐于岐陽

竹書紀年

昔成王盟諸侯于岐陽楚為

荆蠻置茅蕝設望表與鮮卑守燎故不與盟

國語晉語八

岐山

在今陝西岐山縣境

案縣屬鳳翔府 日講春秋解義四十八

康有豐宮之朝解豐在始平鄠縣東有靈臺康王於是朝諸侯

康王元年諸侯朝于豐宮

竹書紀年

服虔曰豐宮成王廟所在

也

史記楚世家集解

通鑑前編殷紂十九祀西伯伐崇作豐邑徙

都之

案竹書紀年帝辛三十五年西伯自程遷于豐與此不同

詩曰既伐于崇作邑于

豐是也又曰豐水東注維禹之績鄭氏云文王武王作邑

於其旁豐邑在豐水之西鎬京在豐水之東括地志鄠縣

東三十五里有豐宮蓋近豐水之源也武王既克紂來自

商則至于豐成王將宅洛邑則至于豐成王黜殷命滅淮

夷則還歸在豐康王命畢公則至于豐孔穎達曰文王居

豐武王未遷之時於豐立文王之廟遷都而廟不毀故大

事必以告也傳所云鄠宮之朝亦此類矣春秋地名康王

之誥云王出在應門之內爲朝諸侯之處卽左傳所謂康

有鄠宮之朝也邵氏爾雅正義六鄠國在陝西西安府鄠縣東五

里卽西周之豐邑後又爲崇國靈臺在縣東三十里春秋輿圖

案史記周本紀正義引括地志云周豐宮周文王宮也

孔穎達亦謂豐有文王之廟服氏以爲成王廟或轉寫之

譌爾據竹書紀年康王元年朝豐宮乃告卽位事是時成

王猶未入廟其爲文王廟無疑

夏桀爲仍之會有緡叛之解仍緡皆國名

帝癸十一年會諸侯于仍有緡氏逃歸遂滅有緡竹書紀年仍

氏卽有仍氏夏之諸侯后相娶有仍氏生少康案后娶有仍氏女

見昭廿八通志氏族略二古史太昊元妃生陪伐降處緡淵為蔑姓

夏以封舜山海經大荒南經季釐之國有緡淵是也左傳僖二

十三年齊侯伐宋圍緡地理志山陽郡有東緡縣或云卽

有緡國畢氏晉書地理志補正一詳僖傳及哀元年

商紂為黎之蒐東夷叛之解黎東夷國名

帝辛四年大蒐于黎竹書紀年服虔曰黎東夷國名也子姓史記

楚世家紂為黎丘之蒐而戎狄叛之韓非子十過篇餘見宣十

五年黎氏下

周幽為大室之盟戎狄叛之

幽王名涅十年春王及諸侯盟于太室十一年申人鄩人及

犬戎入宗周弑王

竹書紀年

使屈申圍朱方解屈申屈蕩之子

蕩生二子曰到曰申世族譜以申為蕩之孫

與集解異

據世系

申乃蕩之子今從之

春秋分記世譜七

臣聞無瑕者可以戮人

無瑕者可以戮人是己不正不可以治人也

詩白華序正義案呂氏

春秋先己篇曰欲論人者必先自論欲知人者必先自知卽是此義

負之斧鉞

廣雅云鉞戚斧也則戚揚皆斧鉞之別名傳以戚為斧

案

十二年解云鉞斧也

以揚為鉞鉞大而斧小太公六韜云大柯斧重

八斤一名天鉞是鉞大於斧也

詩公劉正義案禮記王制賜鈇鉞然後殺釋文鈇

方于反又音斧中  
庸同是鈇與斧通

鄭子產作丘賦解丘十六井當出馬一匹牛三頭今子產別賦其田如魯之田賦田賦在哀十一年

鄭小國也中立乎晉楚強國之間從晉不從楚從楚不從晉不過但供一邊貢賦而已則小國尚可支持至楚靈王方無道晉平公衰弱又不能與之校鄭以蕞爾之小國事兩霸主朝廷貢賦與平時所貢之物已添一倍所以子產不得已作丘賦呂氏春秋左氏傳說十

詩曰禮義不愆何恤於人言解逸詩

詩曰長夜漫兮永思騫兮大古之不慢兮禮義之不愆兮

何恤人之言兮荀子正名篇案楊倞注云逸詩也又案禮義二句漢書東方朔傳答客難引之何



恤荀子天  
論篇引之

入棘櫟麻解棘櫟麻皆楚東鄧邑

棘見襄  
廿六年

汝陰新蔡縣東北

有櫟亭

今河南汝寧府新蔡縣北二十里有野櫟店卽古櫟城也

若鄭之櫟邑

和十

則今河南禹州與此不同魏收志碭郡

安陽縣治麻城今江南

江蘇

徐州府碭山縣有安陽城卽故

麻城也以楚東鄙言之安陽近是

大事表  
七之四

楚沈尹射奔命於夏汭解夏汭漢水曲入江今夏口也

江夏

案縣屬湖  
北武昌府

故漢郡江大江夏漢也漢志武都東漢水

一名沔至江夏入江謂之夏水杜預注春秋昭四年楚沈

尹射奔命於夏汭傳夏汭漢水曲入江今夏口也漢水始

出蟠冢爲漾南流爲沔襄陽以下爲夏昭十三年傳沿夏

欲入鄢鄢卽今宜城

案襄陽府屬

順流曰沿是宜城以上之漢

亦曰夏舉尾以該首曰夏猶舉首以該尾曰沔也夏口卽

沔口以其經大別山大別山又名魯山故亦曰魯口今日

漢口又江夏南郡二郡間別有一夏水首受江東入沔行

五百里其受江處爲夏首楚辭

哀郢

過夏首而西浮是己夏

水爲荆之一沱今江陵中夏口是其入漢處曰堵口今沔

陽州長夏河是

案州屬漢陽府

其合漢又東入江處卽爲夏口今

漢口是孔穎達以爲漢水之尾變爲夏水

見禹貢正義

蘇代言

蜀地之甲浮於汶乘夏水而下江漢中之甲出於巴乘夏

水而下漢

見戰國策二及史記蘇秦傳

此夏水謂夏漲而南郡之夏水

無是義也應劭曰沔自江別至南郡華容爲夏水過郡入江故曰江夏然夏水沱也沱也入漢在故雲杜不在故華容不得謂沔自江別至華容也今武漢德三郡多漢江夏郡地江與漢皆在其境故以名郡至夏首卽夏州左氏宣十一年傳楚入陳鄉取一人焉以歸謂之夏州杜注州鄉屬示討夏氏所獲也荊州記曰蘇秦說楚威王東有夏州見楚策今江陵夏口城有州名夏州地理通釋曰夏州大江中州此雖足以糾應氏之失而於江夏之夏江夏之夏口無與也江夏者江漢也

吳省欽白華前案十八

彭生解楚大夫

彭氏彭名

宣十

彭生案齊有公子彭生見桓十八年魯有

叔彭生見文十四年

孔氏世族譜補

及庚宗解魯地

時穆子適齊又哀八年吳伐我舍于庚宗次於泗上當在魯北境此時吳師自武陵而來也今兗州府泗水縣東有

庚宗亭

春秋地名  
攷略二

遇婦人

庚宗婦人叔孫豹外妻生豎牛

杜氏世族譜  
漢書高五王傳

案外妻即  
所云外婦

也師古曰謂  
與旁通者

不見既自見矣解言仲已自往見公

言叔孫不見仲於公而仲已自見公矣

邵氏左鰲案此  
依顧氏補正改本

杜洩解叔孫氏宰也

杜氏出自祁姓帝堯裔孫劉累之後在周爲唐杜氏成王  
滅唐以封弟叔虞改封唐氏子孫於杜城京兆杜陵縣是  
也杜伯入爲宣王大夫無罪被殺子孫分適諸侯之國居  
杜城者爲杜氏在魯在杜洩唐書宰相世系表二上

夫子疾病不欲見人

秦越人難經五十一難曰病有欲見人者有不欲見人者  
欲見人者病在府也不欲見人者病在藏也府者陽也陽  
病者欲得寒之又欲見人藏者陰也陰病欲得溫又欲閉  
戶獨處惡聞人聲惠氏補注五

牛弗進則置虛命徹解寫器令空示若叔孫已食命去之案曲

禮上正義寫  
謂倒等之也

張衡集舊注引傳云牛不進叔孫覆器空而還之示若已

食

思立賦

蓋增益傳文而爲之或本左氏舊說意亦與杜氏

同也

惠氏補注五

乃使以葬

日格子曰禮樂自天子出路車乘馬皆天子所得予也受之其可違乎是故公冶之冕服可以毋斂諸侯之賜也曾子之簣不可以不易大夫之賜也天子之賜則不然叔孫旣受矣生以服死以葬禮也

邵氏學史一

五昭

舍中軍卑公室也解罷中軍季孫稱左師孟氏稱右師叔

孫氏則自以叔孫爲軍名

舍中軍季孫宿弱二子更弱公室也宿旣將中軍專魯政

後私計已與二子歸公雖異分國維均因乘叔豹之死欺仲饒之懦遂舍去中軍已專一軍而以一軍屬二子傳言四分公室者對二子而爲言也如是則已不居中軍之名而實則益前之半傳云皆盡征之而貢于公要知宿之所貢不過就所益者稍分其一二若二子已滅四一所貢豈能從厚乎二子有分民而無專將公室有貢而無民故曰弱二子更弱公室也

萬斯大學  
春秋隨筆

毀中室于施氏成諸臧氏解季孫不欲親其議勅二家會諸大夫發毀置之計又取其令名正義取其令名者云云

臧氏爲司寇古者兵獄同制故質成于臧氏

惠氏補注五

葬鮮者自西門解不以壽終爲鮮西門非魯朝正門正義言

年命鮮少也

蓼莪三章鮮民之生傳鮮寡也案春秋傳解不以壽終爲

鮮鮮似有少福之意名無怙恃曰鮮民

戴氏毛鄭詩考正

史門魯

正西門也公羊傳齊桓公使高子將南陽之甲立僖公而

城魯或曰自鹿門至于爭門或曰自爭門至于吏門吏門

卽史門矣

大事表七之一

司宮射之

襄九年杜解司宮奄臣蓋內官也宋鄭

昭十楚五

並有之

周氏附論

殺諸塞關之外解齊魯界上關

亦六關之一也

春秋地名攷略二



日之數十故有十時亦當十位自王已下其二爲公其三爲卿解日中當王食時當公平且爲卿雞鳴爲士夜半爲阜人定爲輿黃昏爲隸日入爲僚晡時爲僕日昃爲臺隅中日出闕不在第尊王公曠其位

十時據日十二時據辰

惠氏補注五

杜元凱以爲十二時雖不

立十二支之目然其曰夜半者卽今之所謂子也雞鳴者

丑也平旦者寅也日出者卯也食時者辰也隅中者巳也

日中者午也日昃者未也晡時者申也日入者酉也黃昏

者戌也人定者亥也一日分爲十二始見於此

南齊書天文志始有

于時丑時亥時北齊書南陽王綽傳有景時午時景時者兩時也

考之史記天官書曰旦

至食食至日昃日昃至舖舖至下舖下舖至日入素問藏

氣法時論有曰夜半曰平旦曰日出曰日中曰日昃曰下

晡

王冰注以日昃爲土王下晡爲金王又有曰四時者注云土王是今人所謂丑辰未戌四時也吳越春

秋有曰時加日出時加雞鳴時加日昃時加禺中則此十

二名古有之矣史記孝景紀五月丙戌地動其蚤食時復

動漢書武五子廣陵王胥傳奏酒至雞鳴時罷王莽傳以

雞鳴爲時後漢書隗囂傳至昏時遂潰圍齊武王傳至食

時賜陳漬耿弇傳人定時步果引去來歙傳臣夜人定後

爲何人所賊傷竇武傳自旦至食時兵降略盡皇甫嵩傳

夜勒兵雞鳴馳赴其陳戰至晡時大破之晉書戴洋傳永

昌元年四月庚辰禺中時有大風起自東南折木宋書符

瑞志延康元年九月十日黃昏時月蝕熒惑過人定時熒

惑出營室宿羽林皆用此十二時淮南子曰出于暘谷浴  
于咸池拂于扶桑是謂晨明登于扶桑之上爰始將行是  
謂朏明至于曲阿是謂朝明臨于曾泉是謂早食次于桑  
野是謂晏食臻于衡陽是謂禺中對于昆吾是謂正中靡  
于鳥次是謂小遷至于悲谷是謂晡時迴于女紀是謂大  
遷經于泉隅是謂高舂頓于連石是謂下舂爰止羲和爰  
息六螭是謂懸車薄于虞泉是謂黃昏淪于蒙谷是謂定  
昏案見天文訓此依初學記所引之文案此自晨明至定昏爲十五時而卜  
楚丘以爲十時未知今之所謂十二時者自何人定之也  
素問中有言歲甲子者有言寅時者皆後人僞撰入之也日知錄二十  
案元年傳君子有  
四時朝以聽政晝以訪問夕以脩令夜以安身此分一日

爲四時也

明而未融解融朗也正義明而未融則融是大明云云

服虔云融高也案既醉昭明有融傳云融長也謂日高其

光照長遠

詩東方之日正義

明而未融故曰垂其翼解於日爲未融於鳥爲垂翼

離爲飛鳥而未明初飛卽變爲艮是離之兩剛相夾如健

翮者而初剛下折是垂其一翼也

毛氏春秋占筮書三

勞屈生于菟氏解菟氏鄭地

菟氏在河南開封府尉氏縣西北四十里

春秋輿圖

有子家羈解羈莊公立孫懿伯也

子家氏子家文伯歸父子莊公會孫析

不見傳

子家懿伯莊

公玄孫子家子子家羈

杜氏世族譜

子家駒魯公子慶之孫公

孫歸父之後名羈駒其字也

荀子大略篇注

案杜譜公孫歸父

字子家東門襄仲之子襄仲名遂莊公子也文伯析以父

字爲氏則羈是歸父之孫荀子注云公子慶恐有譌字伯

兄云史記魯系家索隱子家駒魯大夫仲孫氏之族名駒

攷桓公子慶父爲仲孫氏荀子注當作公子慶之族周秦

名字解故云子家羈字駒說文羈馬絡頭也馬二歲曰駒

公羊昭廿五年傳稱子家駒乃漢書五行志中上注云子

家駒一名羈非也

而屑屑焉習儀以亟解言以習儀爲急

屑屑猶區區也

後漢書崔駰傳注

案漢書王莽傳上注云屑屑

猶切切動作之意義亦得通文選閒居賦注引此傳文據

方言屑屑不靜爲解未協

不靜今方言作不安

勞諸索氏解河南成臯縣東有大索城

今河南開封府滎陽縣東南三十里有京城

見隱元年

大索城

在京城西二十里其東北四十里爲小索城楚漢戰于京

索間

見史記高祖本紀及漢書高帝紀

卽此

大事表七之二

小有述職解諸侯適天子曰述職

服虔云諸侯適天子曰述職謂六年一會王官之伯命事

考績述職之事也

詩下泉正義

叔禽

晉韓起之子籍字叔禽爲韓籍氏

通志氏族略五

長轂九百解長轂戎車也正義考工記車人云兵車乘車輪崇六尺六寸田車輪崇六尺三寸兵車轂長三尺二寸又云大車半柯長尺半是短也

長轂者對大車平地載任之車考工記云兵車之輪崇六尺有六寸桴其漆內而中詘之以爲之轂長注云六尺六寸之輪漆內六尺四寸是爲轂長三尺二寸鄭司農云桴者度兩漆之內相距之尺寸是兵車之轂長三尺二寸也考工記又說車人爲車柯長三尺轂長半柯是大車之轂長尺半也兵車之轂比之爲長故謂之長轂

詩小戎正義

鄭伯勞諸國解國鄭地名

國在河南開封府杞縣南五十里

春秋輿圖

莒牟夷以牟婁及防茲來奔解城陽平昌縣西南有防亭姑幕縣東北有茲亭

隱四年經莒人伐杞取牟婁杜注杞邑城陽諸縣東北有婁鄉自後地屬莒昭五年莒牟夷以奔魯今山東青州府諸城縣東北有婁鄉城與安丘縣接境宣十五年經仲孫蔑會齊高固于無婁杜注杞邑公羊作牟婁蓋卽莒人所取然此時已爲莒邑杜注疑有誤莒防邑今安丘縣西南六十里有故平昌城防亭亦在縣西南莒茲邑今諸城縣西四十里有姑幕城茲亭在其境

大事表七之二

叔弓敗諸蚡泉解蚡泉魯地釋文蚡扶粉反

潰泉扶粉反潰泉涌泉也左氏作蚡泉穀梁作賁泉

公羊傳釋



文 濱泉在莒魯界上

又疏

及東夷伐吳

僖十九年宋襄公欲屬東夷杜氏無解蓋東方之夷種類

非一此東夷近楚者也

周氏附論

淮南北近海之地皆爲淮夷

書序曰武王崩三監及淮夷叛又曰成王東伐淮夷遂踐

奄費誓曰徂茲淮夷徐戎並興詩序宣王命召公平淮夷

常武曰率彼淮浦省此徐土又曰截彼淮浦王師之所魯

頌曰奄有龜蒙遂荒大東至于海邦淮夷來同左傳僖十

三年淮夷病杞此皆淮北之夷在徐州之域者也江漢之

詩曰江漢浮浮武夫滔滔匪安匪遊淮夷來求春秋昭公

四年楚子召諸侯及淮夷會于申此皆淮南之夷在揚州

之域者也經所稱淮夷乃淮北之夷漢臨淮郡有淮浦縣  
今爲安東縣屬淮安府淮水從此入海卽詩所謂淮浦矣  
淮夷蓋在東方荒服之內故亦謂之東夷今淮揚二府近  
海之地皆是也

禹貢錐指五

遠射以繁揚之師

定六年亦作繁揚襄四年作繁陽案漢書地理志作繁陽  
應劭曰在繁水之陽則作陽爲正作揚者乃古字通也

陳氏

集解攷正

越大夫常壽過帥師會楚子于瑣解瑣楚地

常壽氏姬姓吳仲雍之後左傳越大夫常壽過

通志氏瑣族略四

當在今江南

安徽安東縣穎州府霍丘縣東

大事表七之四

吳人敗諸鵲岸解廬江舒縣有鵲尾渚

高氏曰志云今廬州府舒城縣西北有鵲亭

安徽

卽杜預所

云也然遠射自夏汭出遠啟疆別從江道交戰不應在楚

之內地杜佑曰南陵大江中有鵲尾洲卽古鵲岸也此說

可通今江南

安徽

太平府繁昌縣西南大江中有鵲尾洲又

池州府

安徽

銅陵縣北十里有鵲頭山高聳臨江故江曰鵲

江岸曰鵲岸

大事表  
七之四

至於羅汭解羅水名

河南羅山縣

案縣屬汝寧府

舊有羅水北入淮楚子當至此也攷

本傳楚子在瑣聞吳師出遠啟疆從之而敗則當時出師

蓋分南北二道所以楚子至羅汭也或言卽汭羅不應反

過洞庭湖南謬

春秋地名  
攷略九

尚克知之

尚克知之庶幾知之也

說文尚  
字繫傳

今君奮焉震電馮怒解馮盛也

案文選長笛賦注  
引此作馮大也

馮齡苛怒也楚曰馮

揚雄方  
言二

馮惠盛兒楚辭

天問

曰康回馮

怒

又郭  
璞注

次於萊山

河南光州光山縣南一百五十里有天臺山或云卽萊山

春秋地名  
攷略九

先入南懷楚師從之及汝清解南懷汝清皆楚界

南懷汝清當在今江淮間

日講春秋  
解義四十八

楚子遂觀兵於坻箕之山

今江南

安徽

廬州府巢縣南三十七里有跣躄山輿地志以

爲卽坻箕山

大事表  
入下

補釋廿二